

授長真欽州都督

通鑑長真以寧越桂林之地降於索靖自是交愛之

道始

合浦太守寧宣降

唐書宣未報而卒以其子純為廉州

刺史

六年春三月昌州刺史龐孝恭南越州民寧

道明高州首領馮暄反陷南越州遂攻姜容

州刺史寧純引兵救之

寰宇記姜州在舊廉州南武德中置

七年改欽州總管府為都督府

八年欽州都督寧長真反陷封山縣昌州刺

史龐孝恭擊走之

唐書長真獻大珠高祖以道遠勞人不受故反未幾

長真死子
據襲刺史

太宗貞觀十六年冬十一月廣州都督党仁

弘有罪徙欽州
通鑑高祖入關仁弘有功至是坐駐上欲宥之召五品以

上謂曰法者人君所受於天不可以私今朕私仁弘而欲赦之是自亂其法上負于

天欲席藁于南郊三日一進蔬食以謝罪羣臣以為自貶太過頓首固請上乃降手

詔曰朕有三罪知人不明一也以私亂法二也善之未賞惡之未誅三也於是黜仁

弘為庶人徙欽州

中宗神龍二年冬十一月誅欽州蠻酋甯承

基
通鑑初韋元貞流欽州而卒蠻酋甯承基逼娶其女元貞妻崔氏不與承基等殺之

及其四男洵沿洞泚上命廣州都督周仁
軌斬之以其首祭崔氏墓殺掠其部眾殆
盡上喜加仁軌鎮國大將軍充五
府大使賜爵汝南郡公

德宗貞元十年秋八月黃洞蠻黃少卿反陷

欽州以唐州刺史楊旻為容管招討經畧使

擊敗之通鑑二月欽州蠻酋黃少卿反圍州城邕管經畧使孫公器奏請發嶺南

兵援之上不許遣中使諭解之不從至是少卿陷欽橫潯桂等州攻孫公器於邕州

旻帥兵大破之悉復侵地

憲宗元和十一年黃洞蠻攻欽州邕管經畧

使韋悅破走之黃少度黃昌瓊攻陷賓容二州據之至是攻欽悅破走之

復二州

穆宗長慶元年國子祭酒韓愈上黃家賊事

宜狀不果行

畧曰臣會貶嶺外諳知嶺外事緣邕管經畧使多不得人德既

不能綏懷威又不能節制侵欺虜縛以致怨恨彛性易動或復私讐或貪小利終亦

不能為事近者征討無深謀遠慮意在邀功求賞自用兵以來二年前後殺獲不下

一二萬人倘皆非虛賊已彛盡今猶依舊足明欺罔邕容兩管因此凋弊十室九空

怨嗟如出一口因陳三事其一改邕容兩管為一道其一南討兵馬不諳山川不服

水土宜附近名募千人費既不增兵又便習守則有威攻則有利其一嶺南人稀地

廣賊處又甚荒僻即盡得其地無益國計容貸羈縻比之禽獸來則捍禦去則不追

選有材用威信諸嶺南事者為經
畧使處理得宜永無侵叛之事

三年秋七月丙寅黃洞蠻破欽州千金鎮刺

史楊嶼奔石南柵

敬宗寶曆元年冬十月邕州刺史崔浩擊黃

洞蠻於欽州大破之黃昌瓊等降

懿宗咸通四年春二月弛廉州採珠禁

後唐

唐天成三年南欽州羅浮山民獲古劍獻南

漢大自元年

漢文獻通考羅浮山民掘得古劍有篆文曰
丁與水同宮王將耳口同尹來居口上山

岫護重重以獻劉龔國人莫解其意及平
 廣南競傳其言識者云宋太祖以丁亥年
 降認是丁水同宮也於文耳口王為聖尹
 口為君重山為出蓋丁亥聖君出五字識
 也語也

宋

太祖開寶四年春二月己丑平廣南辛卯大

赦廣南免二稅夏六月丁丑除苛政

帝按嶺南置籍

廢嶺川都罷常樂縣以其地分合浦石康二縣欽之版籍始歸有司

五年夏五月丙寅詔罷嶺南採珠

初劉鋹以珠結鞍勒

為戲龍之狀極其精巧以獻帝謂左右曰鋹能以習巧之勤移於治國豈至滅亡哉

乃命龍
採珠

太宗太平興國五年秋七月丁未討交州黎

桓兵由廉州進不利遂班師乾德初吳昌文死處瑋等爭立

交趾亂丁部平之上表內附詔封部領

交趾郡王安南自此始為番彝矣丁氏傳

世僅十一年其大校黎桓所篡興國五

年詔劉澄討破之轉運使侯仁寶率軍

先進桓詐降誘之遂遇害轉運使許宣

馳奏詔班師斬劉澄賈隄於軍中後雍熙

二年桓上表謝罪入貢封交趾郡王黎氏

有交趾自此始

至道元年春交趾寇欽州如洪欽州如洪

三鎮瀕海因海賊連年剽掠上以陳堯叟

為轉運使賜桓詔書七月太守遣李若拙

齋詔書玉帶往諭桓桓雖郊迎詞氣悽慢
告若拙曰向劫如洪乃境外蠻賊也皇帝
知非交兵否若交果叛當首攻番禺閩越
豈止如洪已耶若拙從容曰上初聞寇如
洪以足下枚自交州將校授以節制固當
盡忠以報及見執事果明白然大
臣僉議請發勁卒數萬會交兵剪滅之上
曰未可輕舉慮交州不測朝旨或致驚駭
不若且使黎桓討之桓愕然避席曰海
賊犯邊守臣之罪也聖君容貸未加誅責
自今謹守職約永清南海
因北向頓首謝

咸平六年春三月辛卯交州八州使黃慶集

等來投廉州桓卒國亂諸子爭立衆心離叛

為前鋒上以桓素忠順屢修
職貢今幸亂而伐喪不許

廣西轉運使馮璉簡括廉州民田令出常租

帝亟命罷之

通攷璉上言廉及橫賓白州田雖耕墾未嘗輸送已命官簡括

令盡出常租上曰遐方之人宜省徭賦亟命停之

大中祥符二年五月如洪砦主殿直李文著

逐蠻寇死之

文著以轉兵掩襲蠻賊中流矢死其隨行將校八人轉運司并

力斬之

三年詔許交趾互市廉州及如洪砦

宋史黎至忠奏

求互市於邕州本道轉運使以聞上曰瀕海之民數患交州侵寇仍前止許廉州及如洪砦互市蓋以邕為邊隅控扼之所或直趨內地事頗非便詔令本道以舊制諭

之

仁宗嘉祐四年交趾李日尊寇欽州思廩營

初交州大校李公蘊逐其王黎龍廷詔封公蘊為南平王其孫日尊至是入寇明年與崙賊申紹泰寇邕州驛詔余靖為廣西安撫使討之靖至移檄交趾召其用事臣費嘉祐詰之嘉祐惶悚歸取首惡五人械送欽州斬於界上日尊上表待罪

英宗治平二年春詔徙靈山縣於石六峯下

神宗熙寧八年冬十月乙未慧星出軫軫翼廉分

野也十一月戊寅交趾大舉入寇陷欽州甲

申陷廉州遣招討使郭達討之交人降劉彝聽偏